



**Emma:** Min tante heet anjörsne önjteeld än wälj ma me snååke.

**Paul:** Än wat wälj's?

**Emma:** Ik liiw, jü heet har lungwiild. Jü wälj gåns nau waase, wat ik di hiile däi sü mååg än hü et önjt schölj låpt.

**Paul:** Än wat hääst dü har ferteeld?

**Emma:** Ik hääw har ferteeld, dåt ik aw en schöldäi am mjarnem am e klook huulwe sooven apstönj, am e klook sooven doord fou än am e klook oocht önjt schölj sat.

**Paul:** Deer sate we dan tuhuupe!

**Emma:** Jåå, än am e klook iinj ban ik wider ine än fou unerne.

**Paul:** Än wat måågest dü am eeftermadiem?

**Emma:** Dü fråågest ållik as min tante!

**Paul:** Nåån, ik spaal din tante!

**Emma:** Åch sü, ik spaal åltens ma Tufeln än wilems spaale uk we biise maenouder.

**Paul:** Jåå, ouers bloot am fraidieefermadiem bit am e klook seeks än ai långer. Jam foue je ål sü eeder nåchtert.

**Emma:** Jam je uk, Paul.

- Paul:** Ik schal je uk ål am e klook oocht tu beed.
- Emma:** Ik lad dan uk ål önjt beed än ban fåli trååt. (Emma mååget e uugene tu än deet sü as wan's snårket.)
- Paul:** (Lååket en lait.) Emma, määst dü deer ouerweese än mååg saandi en ütfluch ma me än min famiili?
- Emma:** Oo jáå, Paul. Dååt wus fain! Ik schal bloot min ålerne frååge. Wat mååge we?
- Paul:** Seed ik ai. Ouers dü koost iinjsen rädje!